

Akugu Ma Dɔgba 'Ba Pɔlo Zi TIMATIYO

¹ Ma Pɔlo bɔ laja 'ba Yɛsu Kurisitɔ, mugu waraga nime ziiyi Timatiyo. Bɔko'ba bɔ tɔmɔ ze di mi tɔlɛ gbɛ ti Yɛsu Kurisitɔ na ki'di ma mi ndɔbɔ nime. Bo na rɔ bɔ ame di'di dɔze 'deni gɔmo 'dɔ kokonyi ze nduwɛ.

² Ni Timatiyo na kɔzɔ kole 'ba gbagba ma mi ti'di dɔ gɔ lende 'ba Yɛsu. 'Bu ze Bɔko'ba ti ɛere ze Yɛsu Kurisitɔ ko'dɔ yɛyi ziiyi ti lende kɛyi ti mi kɛyi.

Ndose 'Ba Pɔlo Zi Timatiyo

³ Mo'dɔkɔ yi 'dɔ koloma Epeso yayi kɔzɔ ma tɔnɛ mɔcɔ mɔlo ziiyi mi tari ma Makedoniya. Ya mɔto naga nima yayi kɛdi tiyandi bilaka 'ba kanisa ti wa ame ga rɔ bɛti ne, mo'dɔkɔ ziiyi 'dɔ ki'di lijɛ kola gɔmo yaga.

⁴ Kina 'dɔ kiya zinni kinza lijɛ kɔ'bɔ dɛ tiyija gɔ mɔyi gɔgɔ 'ba 'bu nni lɔbu naga nima ti ndɔbɔ mo ga. Lende naga nima na kɔ'bɔ ɛgi to'de kpa kogba mi lɔngɔ lijɛ ki'di lijɛ kola gɔ laja ti'di dɔ gɔ lende 'ba Bɔko'ba.

⁵ Miya gɔ ki'di kɔ'du nime zinni lijɛ koja laja ti dɔki'di kɔtɔ ti meri laka 'ba minni ti ti'di dɔnni laka gɔ lende 'ba Bɔko'ba. Wa naga nime na ti ki'di akɔ'ɔ ma laka zinni.

⁶ Ne kina me lijɛ kola wa naga nime 'deni lijɛ kɔcɔ za 'bɔwu yaga tiya lende ma yawa.

⁷ Lijɛ o'dɔkɔ to'dɔ rɔnni tɛgɛ rɔ bɔ kɔmɔ kiyandi, tiyandi bilaka ti kɔ'du ki'di 'ba Bɔko'ba.

Tine lijë ikali mi 'jo 'ba lende mo ga ti wa ma lijë kedi kiyandi kulöwö naga de gbi yo.

⁸ Dikali ngi tomeri go kö'du ki'di 'ba Boko'ba edi ro ma laka odo kiya te meri mo kedi ngi ro ma kodoro.

⁹ Ne bo ma komeri gomo o'doko 'do bo kikali Boko'ba i'di kö'du ki'di abo nime de domöyi bo lende laka. Bo i'di go kö'du 'ba ya ma kinza kuwo do bo, ti bo ko'do ya ti bo, ti ya ma kinza koro bo, ti bo lende kenyë, ti ya ma kinza ko'doko lende abo, ti bo ti'ja ni, kina gbi go lende 'ba ya ma kupö 'bu nni ga ti mönni ga, ti ya ma ro bo akupö naga,

¹⁰ ti bo yeri ni, ti ya ma ro bo tö'dö ti botoni lepi nni naga, ti bo bögö kole ni, ti bo beti ni, ti bo to'do lömu ro beti ni, ti ya ma kedi ko'do wa moto ga ame lende ma kodoro kota gomo ne.

¹¹ Ame na ro laja laka 'ba Boko'ba bo do wa pili. Bo na nburu ti yeyi. Laja laka nime na bo koja ma tuwöwö mo.

Mi Keyi 'Ba Boko'ba

¹² Mileki yee'di zi nere ze Yesu Kurisitö, go tigo ma bo ki'di 'deni zo to'do ndobo nime timo. Mo'do yee'di zi bo go ame bo ko'ba nalo ma 'deni ki'di ma toja laja zi bo

¹³ ko'ja moloma pele tone tiya kpa kenyë ro bo todo gomo ro bilaka abo ga, moworo tudöli bo. Ne Boko'ba ti mi keyi roma romöyi mi'di doma de gba go lende 'ba Yesu Kurisitö, kina ki'di mikali wa ma medi mo'do naga nima de.

¹⁴ Tine mi nere ze Yesu Kurisitö eyi 'deni ngi ro mbembë roma, kina bo ki'di ma 'deni ro akoto ti

bo ti'di dɔma nduwë gɔ lende abo gbï tɔ'ɔ bilaka abo ga.

¹⁵ Kina me miya ziye, Yësu Kurisitö ako dɔliɔ nime 'dɔ tɔmɔ bɔ lende kënyë di mï tölë. Lende nime na rɔ ma laka kina 'dɔ bilaka pili ki'di dönñi gɔmo. Tine ma 'bama na rɔ bɔ lende kënyë ma dɔ kiteli.

¹⁶ Ne kina me Boko'ba ko'dɔ mï këyi 'deni rɔma. Bo i'di Yësu Kurisitö 'deni kileme aka'ɔ dɔ kiteli abo ame kikali tote rönï dë ne ti tɔmɔ ma bɔ lende kënyë dɔ kiteli nime, 'dɔ ki'di bilaka ma konzi ko'ja, gɔ ki'di dönñi gɔ kö'du abo 'dɔ lijë ko'ja didi ma ɳburuɳburu.

¹⁷ Kina ti dilëluke bo bɔ ma 'dɔ koro, ɳere löbu abo kö'bö rɔ ɳburuɳburu, bɔ kölë dë, ma kinza ko'ja kinë mo, ame bo na ɳge kɔtɔ rɔ Boko'ba ne. Dilëluke doroke bo ti rɔ ɳburuɳburu. Amini.

Ndose 'Ba Pɔlo Zi Timatiyo

¹⁸ Ni kole ma Timatiyo, mo'dɔkɔ yi 'dɔ kiya ndose ma nime zi bilaka naga nima. Ame gɔ këdi kɔzɔ a ma tönë bɔ kumë lende 'ba Boko'ba kiya 'deni mɔlo bine gɔ kö'du 'bi ne tara. Omeri lende naga nime laka 'dɔ këdi kɔzɔ jama 'ba ya ziyi to'dɔ ya timo laka ti bɔ ya 'ba Boko'ba ga.

¹⁹ Kina 'dɔ kö'bö ti'di döyi gɔ lende 'ba Boko'ba kina 'dɔ ko'dɔ wa ame ga kikali këdi rɔ wa ma laka ne. Ya mɔtɔ ga ola gɔ to'dɔ wa ame ga ɳgi lijë kikali këdi rɔ ma laka ne 'deni. Kina gɔ kö'du mo lijë i'di dönñi dë kpe gɔ lende 'ba Boko'ba.

²⁰ Ya mɔtɔ mo ga na rɔ Omenayo ni ti Alesandoro ame modɔ karama 'deni dönñi ti ti'di lijë mï kɔmɔ közi Satani, 'dɔ wa nime kiyandi lijë ki'di lijë kola gɔ tiya kpa kënyë rɔ Boko'ba.

2

Mötu 'Ba Bilaka 'Ba Kanisa

¹ Wa ma dɔgba ma moco z̄iyi na me, bilaka 'ba kanisa kō'bō tititi Boko'ba ti mötu 'dɔ kokonyi bilaka pili. Lijē kō'bō to'dɔ yēē'di zi bo gɔ yēyi abo.

² Lijē kō'bō tititi bo gbī gɔ bɔ doliŋɔ ti bɔ gomo ga pili 'dɔ bo Boko'ba kokonyi lijē gɔ dolomake ŋburu rɔ dɔ ŋgölö to'dɔ lende laka kɔmɔ Boko'ba gbī kɔmɔ bilaka lesi.

³ Mötu ma te na laka, kina gbī rɔ ma Boko'ba ko'dɔkɔ. Bo na kɔmɔ ze 'deni di mi tölē,

⁴ kina bo o'dɔkɔ gbī tɔmɔ bilaka pili yaga di mi tölē lijē kikali lende laka abo.

⁵ Boko'ba ŋge kɔtɔ ame 'dɔ bilaka koro, kina Yēsu Kurisitō na gbī ŋge kɔtɔ rɔ bɔ ame kodo'bo bilaka lesi 'deni kɔtɔ ti Boko'ba. Bo oloma 'deni doliŋɔ bine rɔ bilaka lesi,

⁶ tine bo i'di rɔ bo 'deni 'dɔ tutē gɔ bilaka pili di mi tölē. Ndɔbɔ 'ba Yēsu nime ileme 'deni zi bilaka mi kada ma laka mo, Boko'ba o'dɔkɔ tɔmɔ bilaka di mi tölē.

⁷ Ame na rɔ wa ma bo koja ma bɔ laja abo tuwōwō mo zi bilaka. Munzō dē rɔ bēti, lende ma laka na mēdi miya. Bo oja ma 'deni tiyandi bɔ löwō ti lende ma kodɔrɔ ame 'dɔ lijē ki'di dönñi gomo.

⁸ Mi kanisa pili mo'dɔkɔ gɔ bɔ kinda'ba mötu kēdi ŋge rɔ bɔtɔni ame ga rɔ bɔ ko'dɔ lende 'ba Boko'ba ne. Kina ɔdɔ lijē kēdi kombi kōzinnī tɔrɔ to'dɔ mötu kinza lijē ki'di 'diri, ala tiyeli dē kēdi minni.

⁹ Kina gbī tara mo'dɔkɔ dē gɔ 'ja kebe tote rōnni ti tusu bɔŋgɔ ma kele kulōwō naga. Lijē

kodɔ rɔnni liya kinza lijɛ kɔ'bɔ dɛ nge tomeri 'dɔ tiyada rɔnni ti dɔ ku'jɔ, kina gbɪ ti wa 'ba tele ame ga kileŋɔ di mi yamo ma kɔbɔkɔbɔ ne ti nyileki ni, gbɪ ti bɔŋgɔ ma ndɔgɔ mo ga kitigɔ kulɔwɔ naga.

¹⁰ Rɔ kiyada 'bɛnni o'dɔkɔ 'dɔ kɛdi rɔ lende ko'dɔ laka. Ame na rɔ, rɔ kiyada ma laka 'ba 'ja ame ga kiya te lijɛ oro Bɔko'ba 'deni ne.

¹¹ Tine lijɛ kudumɔ koje mbili nni tuwɔ lende 'ba Bɔko'ba. Kina 'dɔ lijɛ kuwɔ dɔ lɔbu 'ba dɔ kanisa.

¹² 'Bama mola 'ja dɛ 'dɔ kiyandi bilaka ti lende 'ba Bɔko'ba. Kina mi'di kɔzi kakpa dɛ gbɪ zinni tɛdi mbiri dɔ bɔtoni. Tine 'dɔ lijɛ kudumɔ 'bɛnni kotomo kpɛnni teyi di mi kanisa.

¹³ Rɔmɔyi Adama na Bɔko'ba ko'ba dɔgba, di gɔmo tine na 'jaa ko'ba Awa.

¹⁴ Kina Adama ne dɛ gbɪ Satani ku'bɔlu. Tine 'ja abo Awa na Satani ku'bɔlu ki'di kiyɛyi mi kɔ'du ki'di 'ba Bɔko'ba.

¹⁵ Tine o'dɔkɔ 'dɔ 'ja kodɔ rɔnni liya ti'di dɔnni gɔ lende 'ba Bɔko'ba, kina gbɪ to'dɔ mo 'dɔ tɔ'ɔ lɛpi nni ga. Ɔdɔ lijɛ ko'dɔ ŋgi te mi kada 'ba lɔyɔ Bɔko'ba ti kɔmɔ lijɛ ŋgi di mi tɔlɛ.

3

Lɔbu 'Ba Kanisa

¹ Kina ɛdi ŋgi rɔ ma laka kɔzɔ ame kiya ne, bɔ ame kiteri tɛdi rɔ lɔbu 'ba dɔ kanisa ne a ma laka na bo kiteri 'deni.

² Kina me mɛdi miya ziyyi, bɔ ame rɔ lɔbu 'ba dɔ kanisa ne o'dɔkɔ 'dɔ bo kɛdi rɔ bɔ ame kinza a mɔtɔ ma 'dɔ bilaka ko'ja bi ŋgɔrɔ timo di rɔ

bo. Bo kēdi nge ti 'ja koto bo kogbo do yida ro bo gbī kinza to'do wa ame ga ro do rumō ala ro 'ba laṅa ne. Bo kēdi ro bo ko'do nba, kina gbī ro bilaka ame kikali tiyandi wa laka.

³ Kinza bo kēdi dē ro bo kitiri rōnī ti layi, ro bo 'dirī, tine go bo kēdi ro bilaka ame liya ro bo lende kēyī ne, dē ro bo mī löbu go yamo.

⁴ Kina me mēdī miya zīyī, bo ame ro löbu 'ba do kanisa ne 'do bo kēdi ro bo ame kikali togbo do bilaka 'ba mī liṅo abo ga, gbī ro bo ame kiyandi kole abo ga kō'bō tuwō do bo koro bo laka ne.

⁵ Römōyī bilaka ame kikali dē togbo do bilaka 'ba mī liṅo abo ga ne, inza kikali gbī tonḡo go bilaka 'ba Boko'ba.

⁶ Kina kinza bo kēdi dē gbī ro bilaka ame kako ro 'ba Kurisitō 'jaa ro ma la'ja ne. Römōyī do do bo kēdi tara, motoga bo ti kebe tubötō ro bo. Kina Boko'ba ti kodo karama do bo kozo ame bo kodo do Satani go tubötō ro ne tara.

⁷ Kina gbī bilaka ame ro löbu 'ba do kanisa ne 'do kēdi ro bilaka ame laki pili kiya te bo na laka ne, kinza ro bo kari kaya ra bo kilaka mī ngowo 'ba Satani.

Bɔ Ndɔbo Mi Kanisa

⁸ Ya ame ga ro bo ndobo mī kanisa ne gbī tara. 'Do lijē kēdi ro bilaka ame ga kēdi ko'do wa pili ro ma kodoro bilaka kō'bō tubi gomo ne. Dē ro bo do kindēndē. Dē go lijē kēdi ro bo tuwē layi ro mbēmbē, ala ro bo ko'do mī löbu go wa.

⁹ Tine go lijē kēdi ro ya ame ga ki'di dönñi go lende ame Boko'ba kileme 'deni ne ti meri laka 'ba minni.

10 Kina ma dɔgba mo 'dɔ kiyɔzɔ lijɛ titi, ɔdɔ ko'ja a ma kɛnyɛ mɔtɔ dɛ di mɪ loma 'bɛnni, kina gɔ ki'di lijɛ rɔ bɔ ko'dɔ ndɔbɔ mɪ kanisa.

11 Kina 'ja 'bɛnni ga 'dɔ kɛdi gbɪ rɔ bɔ to'dɔ lende ma kodɔrɔ rɔ ma laka ame ga bilaka kɛdi kubɪ gɔmo ne. Kinza lijɛ kinza dɛ gbɪ rɔ bɔ kore, tine 'dɔ lijɛ kɛdi laka togbɔ dɔ yida rɔnni rɔ ma bilaka pili ki'di dɔnni gɔ lende mo ga.

12 Kina bɔtɔni mo naga nima nge rɔ ya ame ga kɛdi ti 'ja kɔtɔ ne. Kina gɔ lijɛ kɛdi rɔ bilaka ame ga kikali togbɔ dɔ kole 'bɛnni ga laka pili ti bilaka ma kɛdi koloma mɪ liɲɔ 'bɛnni ga.

13 ɔdɔ lijɛ ko'dɔ ndɔbɔ 'ba kanisa 'deni laka bilaka pili ti kiya lende 'bɛnni rɔ ma laka. Kina lijɛ ti kɛdi nɔgɪ rɔ dɔ nɔgɔlɔ tiya mo ma lijɛ ki'di dɔnni 'deni gɔ lende 'ba Yɛsu Kurisitɔ.

Lende Löbu

14 Tine ma 'bama mo'dɔkɔ tari giri nime ziye yayi. Ne kina me mɛdi mugu ndose naga nime tɔti ziyi

15 ɔdɔ wa mɔtɔ ga kilikɔ dɔma 'dɔ kikali loma 'ba mɪ lɔngɔ bilaka 'ba Bɔko'ba. Rɔmɔyi lijɛ bilaka 'ba kanisa na rɔ 'ba Bɔko'ba ame rɔ bɔ dɔ didi ma nɔburunburu ne. Lijɛ na kɛdi ki'di lende kodɔrɔ 'ba Bɔko'ba nime kɔ'bɔ dɔyayi kɔzɔ lɔsɔ ma kɛdi kogbɔ mata tara.

16 Tine bɔtɔ mɔtɔ inza ame 'dɔ kandi gɔmo kiya te wa ma Yɛsu kileme zize naga nime inza rɔ wa ma löbu. Ma löbu mo na me bo ileme rɔ bo 'deni rɔ bilaka lesi. Kina Nyi Kɔtɔ Laka ileme bo 'deni gbɪ rɔ ma laka kɔmɔ Bɔko'ba, kina malayika 'ba Bɔko'ba o'ja bo 'deni. Kina laja abo uwöwö rɔni 'deni toko zi bilaka 'ba dɔyayi nime. Kina ma

konzi di mi doliŋo bine i'di dönni 'deni gomo.
Kina me kogba bo 'deni mi löbu mitoro.

4

Akiyandi 'Ba Satani

¹⁻² Nyi Koto Laka 'ba Boko'ba ileme 'deni njo mi kada ma nburunburu 'ba doliŋo nime bilaka ti koga kpenni go lende 'ba Boko'ba. Lije ti ki'di dönni go akiyandi 'ba Satani ame bo ki'di nöki abo ga 'deni tindendé bilaka timo. Nöki abo ga na ki'di ya ma ro bo beti naga 'deni tu'bölu wa ti akiyandi abo nime romöyi lije 'benni ikali de kpe toza wa ma laka di ro ma kenyé.

³ Ya naga nime lije ebe tiyandi bilaka tegé kinza kogbe 'ja de, kina gbi tegé kinza konyo wa moto ga de. Tine Boko'ba o'doko 'do ya ame ga ki'di dönni 'deni go laja kodoro abo nime kikali 'deni laka ne, go ko'do ye'di mo zi bo kina go lije konyo wa naga nima bo ko'ba ne.

⁴ Wa naga nime Boko'ba ko'ba ne pili ro ma laka. A moto inza ame go dilagike di romo. Tine zize tuti gomo ti to'do ye'di mo zi bo.

⁵ Romöyi lende 'ba Boko'ba ti ye'di ko'do ze i'di wa naga nime 'deni laka ro a 'ba Boko'ba.

Bo Laja Ma Laka 'Ba Kurisito

⁶ Ndose nime odo koto ngi zi bilaka 'ba kanisa ti keddi ngi ro bo laja ma laka 'ba Yesu Kurisito. Romöyi ni iyandi yi 'deni laka ti lende 'ba Boko'ba keddi 'deni gbi to'do mo laka ki'di tigo ziyi mi ndobo nime.

⁷ Kina 'do kilagi yaga di ro lende ma yawa 'ba bulöbu ma molo naga, ame nge ro lende 'ba

doliŋo nime ne. Tine ma laka mo 'do kutu röyï to'do lende 'ba Boko'ba.

⁸ Lijë ma kutu rönni kitigo mi yida ro, okonyi rönni mbowa. Tine ze ma dutuke roze 'deni mi lende 'ba Boko'ba nime ti dokonyike roze ngi ro mbembë. Römöyï dikalike 'deni dedike ti didi ma laka giri nime kina gbi ro nburunburu.

⁹⁻¹⁰ Kina me do'doke ndobo 'deni ti tigo ze ga gbi ti tende 'ba roze, go ame dikalike 'deni Boko'ba edi kokonyi ze. Bo na ro bo ame ti didi ma nburunburu ne. Bo na ko'bo tokonyi bilaka pili di mi tole, tine pele bo okonyi ya ma ki'di donni go lende abo naga 'deni molo. Lende nime na ro ma laka kina 'do bilaka pili ki'di donni gomo.

¹¹ Kina oto ndose nime zi bilaka 'ba kanisa 'do kiyandi lijë timo.

¹² Kinza ki'di boto kudöli yi de go titi 'ba röyï. Tine loma 'bi na 'do ki'di ko'bo ro ma laka 'do bilaka 'ba kanisa kogba görö 'ba wa ma keddi ko'do ti ma keddi kiya kina gbi ti ako'o 'bi ma go lepi yi ga. Kina 'do lijë ki'di donni go lende 'ba Boko'ba to'do mo gbi nge kinza a ma kenyë moto kozo 'beyi tara.

¹³ Kina 'do ki'di röyï gbi tidëki buku 'ba Boko'ba zi bilaka. Kina 'do kuwöwö laja nime zinni go kiyandi lijë to'do mo nbö mako.

¹⁴ Kinza kuburu bi 'ba tigo nime Boko'ba ki'di ziyi ne de, ame ki'di 'deni ziyi mi kada ma tone bo kume lende abo moto ga kume lende go ko'du 'bi kina löbu 'ba do kanisa ki'di közi 'deni döyï 'do to'do ndobo nime ne.

¹⁵ Kina 'do ki'di röyï ti to'do ndobo nime go boto pili kongo ma keddi ko'do ro ma laka.

16 Tine i'di kōmōyī kandi laka di mī wa ame ga kēddi ko'do ne, gbī ti ma kēddi kiyandi. Ö'bō nduwē to'do wa naga nime miya 'deni ziyī ne. To'do mo te na ti ki'di yi gbī ti ya ame ga kēdi kuwō lende 'bī ne kōmo di mī tölē.

5

Bilaka 'Ba Kanisa

1 Kinza kamo dē do bulöbu ma mī kanisa. Tine ileki lende zīnni kōzo 'bu yī ga tara. Kina 'do kilende zi yōbi mo ga kōzo löndö yī ga tara,

2 kina zi 'ja löbu 'ba mī kanisa kōzo möyī ga tara, tine zi 'ja titi mo ga kōzo lēmī yī ga tara kinza a ma kēnyē mōto.

3 Okonyi makuru'bē ame ga ro lisa ne.

4 Tine odo makuru'bē mo kēdi ti kole ala kole 'ba kole 'bēni ga, lijē na 'do kutu rōnni toro Boko'ba ti tonjo go lijo 'bēnni ga. Zinni to'do mo te tileki mo zi bo kulu lijē ga. Ame na ro wa ma Boko'ba ko'doko di zīnni.

5 Makuru'bē ame ga kola 'deni ro lisa go dönni kinza kole, lijē ki'di dönni 'deni gomo Boko'ba na kēdi kokonyi lijē tine lijē ö'bō 'deni kote kada kote korōndo tumötu zi Boko'ba tititi bo tokonyi lijē.

6 Tine makuru'bē ame ga ki'di rōnni 'deni to'do ako'doko 'ba gbagba lijē ga ne, lijē 'bēnni nima 'deni ka ro töku pele lijē kēdi gba ro ma kīdidi nima.

7 Kina 'do koto ndose nime zi bilaka 'ba kanisa kinza boto mōto ko'ja bi ngoro mōto ra di rōnni.

8 Römōyī boto ame ko'ba njalo 'ba wado dē, konjo go bilaka 'ba mī lijo abo dē laka ne, andi

'deni gɔ lende 'ba Boko'ba. Bo 'ba bo 'deni ŋgɛ ro ma kɛnyɛ ro do kiteli di do ya ma kinza ki'di dɔnni gɔ lende 'ba Boko'ba naga.

⁹ Makuru'bɛ ame ga ŋge kɔmɔ kɔɔ mo kebe kuluku kɔtɔ kɔdɔ dɔmo 'butɛ 'deni ne na 'do kugu mɔyɛ mo mi waraga 'ba tugu mɔyɛ makuru'bɛ 'ba mi kanisa. Kina 'do lijɛ kɛdi gbɛ ro 'ja lɔbu ame ga ko'do yɛri dɛ di do mɛ'dɛ,

¹⁰ ame lende ko'do laka 'bɛnni kikali gɔmo pili. Kina lijɛ kɔŋgɔ gɔ kole 'bɛnni ga 'deni ki'yɔbu laka, kina lijɛ gbɛ ro bo tota bo lɔwɔ ro ŋba mi liŋɔ 'bɛnni ga, toja laja mi kanisa kina gbɛ tokɔnyi ya ma ro gɔmɔ naga, kina 'do lijɛ kɛdi ro ya ame ga ki'di rɔnni 'deni to'do lende laka ne.

¹¹ Tine kinza kugu mɔyɛ makuru'bɛ ame ga gba ro 'ja titi ne dɛ mi waraga nima. Mɔtɔga yayi ndɔbo 'ba toja laja 'ba Kurisito nime inza kɔŋmi kpe rɔnni lijɛ ko'dɔko ɛ'bɛnni togbe mɛ'dɛ mɔtɔ 'bɔwu,

¹² kina Boko'ba ti kɔdɔ karama ŋgɛ dɔnni gɔ tiyɛyɛ mi lɔmu ame lijɛ ko'do 'deni ne.

¹³ Mɔtɔga lijɛ ti koloma ro tikɛpi tilaki ro gɔ liŋɔ kinza to'do ndɔbo, za to'do kore ti go'de'de mi lende 'ba ya mɔtɔ ga, kina gbɛ tiya lende ma kɛnyɛ naga.

¹⁴ Gɔ kɔ'du mo mo'dɔko 'do makuru'bɛ ame ga gba ro 'ja titi ne kogbe mɛ'dɛ gɔ lijɛ kɔyɔ kole 'do lijɛ kɔŋgɔ gɔmo. Kinza ya ma ko'ji ze naga ko'ja a mɔtɔ ra ro ma kɔcɔ tiya kpa kɛnyɛ gɔmo rɔze.

¹⁵ Rɔmɔyɛ makuru'bɛ naga nima mɔtɔ ga ɔcɔ 'deni mɔlo di mi kori 'ba Kurisito kɔsɔ 'deni gɔ Satani.

¹⁶ Kina me ɔdo 'ja ame ro bilaka 'ba Kurisitö ne kedi ti makuru'be lino 'beni loko na 'do kongo go makuru'be naga nima kinza ki'di lije de ko'bo ro akirindi do bilaka 'ba kanisa. Tine bilaka 'ba kanisa 'do kongo nge ro go makuru'be ame ga kola 'deni go donni ne.

¹⁷ Kina lobu 'ba kanisa ame ga ko'do ndobo 'deni laka ne ko'do konyi teyi ro mbembé. Romöyi lije ogbo ronni 'deni tiyandi wa gbi tuwöwö lende 'ba Boko'ba.

¹⁸ Tokonyi lije romöyi ugu 'deni molo mi buku 'ba Boko'ba, iya te, "ɔdo ki'di sa tomba nyönyu tine kinza kudödu kpamo de ndini teyi." Kina ugu 'deni gbi, iya te, "Bo ndobo o'bo ngi to'ja bi gomo 'ba ro bo."

¹⁹ Tine ɔdo bo moto kako kususu lobu naga nime ma koto moto ziyi, kinza ki'di döyi de titi gomo. Tine ɔdo bo mo ko'de ya moto ga riyö ala mota ti bo ro bo ngila bo kina nge 'do kuwö lende mo.

²⁰ ɔdo lobu naga nime kirasi a moto, ileki lende zinni di komo bilaka 'ba kanisa pili 'do lobu moto ga kedi gbi ro tikere di bi to'do mo kozo 'benni tara.

²¹ Medii mose ndose nime ziyi komo Boko'ba gbi ti nere ze Yesu Kurisitö kina gbi ti malayika abo ga ame bo kigeli 'deni toja laja zi bo ne. Ndose naga nime o'do ro ma kodoro kinza komo geli teyi.

²² Kinza koza bilaka moto de ngi welo ti'di közyi domo to'do mo ro lobu 'ba do kanisa. Inza laka 'do toza bilaka moto ngi welo, motoga ti kodo'bo yi mi lende kenyé abo. Onye röyi kowo yaga di ro lende kenyé.

²³ Tine kinza kö'bö de kpe nge tuwë mini, udölö yimo mbowa ti layi go kedi ro wowo zi miyi. Römöyi ö'bö nduwë tonë bine ro rok'o.

²⁴ Kina go lende 'ba ya mato ga, pele gba kinza konjo kö'du mo de, lende kënyë mo ga inda ngi yaga bi koro. Tine 'ba ya mato ga lende kënyë 'benni ga edi ko'ja nge odo konjo kö'du 'benni 'deni.

²⁵ Kina gbi tara lende laka mato ga edi kinda gbi yaga bi koro, tine mato ga odo ko'ja de pele inza kusu doni ngi nburu yaga.

6

¹ Bilaka 'ba kanisa ame ga ro atoli ne 'do kö'bö laka toro bo donni ga, kinza bilaka kiya kpa kënyë ra ro Boko'ba, gbi ti akiyandi ze nime.

² Atoli ame ga bo domo ro 'ba Kurisitö ne kinza lijë kose domo de go ame lijë 'deni ro löndö zinni ne. Tine 'do lijë komeri ngi bo donni naga nima 'deni ro 'ba Kurisitö ame Boko'ba ko'o ne. Kina 'do lijë koja laja laka zinni römöyi ti kokonyi lijë.

Mori Ma Laka

Kina me 'do koto ndose nime kuwöwö zi bilaka 'ba kanisa kiyandi lijë timo.

³ Ya ma kedi kiyandi 'benni wa ma 'beri koriya de ti lende kodoro 'ba nere ze Yesu Kurisitö nime koriya de gbi ti to'do ako'doko 'ba Boko'ba ne,

⁴ lijë 'benni nima ulu'buti 'deni ngi ti ro kote kikali a mato de kpe. Lijë ome 'benni ronnä 'deni ngi go to'do kowasa ti tamo go kö'du 'ba lende. Kina wa naga nime ko'de mi kombi ngi ti 'diri ti ti'ja kina gbi ti susu ma kënyë.

⁵ Lijë ö'bö ñburu rɔ kowasa römöyï dönni irasi rönï 'deni, lijë ikali wa ma laka dë kpe. Kina ma lijë komeri 'bënni tégë to'dɔ lende 'ba Boko'ba nime ëdi rɔ wa 'ba to'ja yamo.

⁶ Tine ëdi ñgï tara, bɔ ame ko'dɔ lende 'ba Boko'ba ɔɔ bo kikali ñgï toloma ñge gɔ wa ame ga 'dɔ ko'dɔ rönï zi bo ne, bo ti ko'ja wa ma kele ñgï rɔ mbëmbë.

⁷ Römöyï mi kada ma köyö ze do'deke a mɔɔ dë mi dɔliɲɔ bine. Kina ɔɔ dölëke dinza dogbake a mɔɔ gbï darike timo di mi dɔliɲɔ nime.

⁸ Kina laka ɔɔ dëdike 'deni ti akonyo ti bɔɲɔ 'ba yida rɔze gɔ di'dike lende mo ko'bo ze.

⁹ Ne lijë ya ma ko'dɔkɔ tedi ti wa rɔ mbëmbë naga nima Satani ususu dönni 'deni to'dɔ lende kënyë kina lijë kilaka 'deni mi ñgɔwo abo. Lijë iteri 'bënni tomɔmi wa ñgï rɔ dɔ rumö, tine wa naga nima inza kokonyi lijë, ëdi koto lijë ñgï mi tölë.

¹⁰ To'dɔkɔ tedi ti wa rɔ mbëmbë na rɔ ñgira'da 'ba tisaki 'ba lende kënyë. Ya mɔɔ ga ëdi ti meri mo kina ki'di lijë kɔɔ 'deni di mi kɔri 'ba Kurisitö nime. Kina ko'de gomɔ ma kënyë 'deni ñgï dönni.

Tocɔ To'dɔ Lende Laka

¹¹ Tine ni 'bëyï ame rɔ 'ba Boko'ba ne, onye röyï yaga kɔwɔ di rɔ lende kënyë naga nima. Ogbɔ röyï to'dɔ lende laka 'ba Boko'ba gbï toro bo, ti'di döyï gɔ lende 'ba Kurisitö. Kina 'dɔ kogbɔ röyï gbï tɔ'ɔ lepï yï ga, tine gbï togbɔ röyï laka tɔrɔ kpa gomɔ mo ti doki'di këddi. Kina 'dɔ tedi ti kɔmɔ kele dɔ bilaka pili.

12 Loma 'ba bilaka ame ki'di dönñi 'deni gɔ lende 'ba Kurisütö nime edī kɔzo riŋa dōli tara. Kina gɔ kiriŋa ti rɔ ma kembe ti tigo 'dɔ ko'ja kpa kōzi 'ba gɔmo, ame rɔ didi ma ŋburuŋburu ne. Wa nime na Boko'ba kidedeki yi gɔmo mi kada ma tōne kumō yimo ti kpēyi di kɔmɔ bilaka ma konzi kiya te i'di dōyi 'deni gɔ lende 'ba Kurisütö ne.

13 Kina me mose ziyi kɔmɔ Boko'ba ame ki'di didi mi wa pili, gbī kɔmɔ Yēsu Kurisütö ame kiya lende laka 'ba Boko'ba kɔmɔ Pɔnitiyo Pilato ne.

14 Miya ziyi 'dɔ kuwō dɔ ndose naga nime kēdi kiya rōni ne ŋbō kōmō mi kada 'ba tileki 'ba ŋere ze Yēsu Kurisütö kako mi doliŋɔ nime, kinza bɔtɔ mɔtɔ kiya ra te irasi a mɔtɔ.

15 Boko'ba na ti ki'di Kurisütö kileme rɔ bo mi kada ma laka mo. Bo na ŋburu ti yēyi ŋge kɔtɔ rɔ löbu dɔ doliŋɔ pili, dɔ bɔ doliŋɔ pili kina gbī dɔ ŋere ni pili.

16 Bo na ŋge rɔ bɔ ame kōlē dē ne. Bi loma abo mi bi kɔpɔ ma kōbökōbō dɔ kiteli ame bɔtɔ kɔ'bo dē tari ŋɔli rɔmo. Bɔtɔ mɔtɔ o'ja bo dē kina bɔtɔ ɔ'bo dē gbī ma 'dɔ ko'ja bo. Ti dilēlu tigo abo nduwē rɔ ŋburuŋburu. Amini.

17 Iya zinni lijē ame ga rɔ bɔ mɔri ne, kinza lijē kombi dönñi dē. Kina kinza lijē komeri dē gbī tēgē wa mbēmbē 'bēnni naga nima ti kō'bō nduwē tokonyi lijē. Römōyi wa nime rɔ mɔri ko'dɔ ne ö'bō dē ŋgī nduwē ŋburu. Tine 'dɔ lijē kikali laka Boko'ba na ti kokonyi lijē. Bo na rɔ bɔ ki'di wa pili zize ame gɔ ki'di ze dēdike rɔ lɔŋɔ.

18 Ma laka mo 'dɔ lijē kō'bō to'dɔ lende laka ame 'dɔ kēdi rɔ mɔri ko'dɔ 'bēnni ne. 'Dɔ lijē

kö'bö gbï tokonyi ya mɔto ga ti wa 'bënni ga.

¹⁹ Wa nime na ti këdi ro mɔri ko'do 'bënni ame go kulu dönï 'do kokonyi lijë mi kada ma këdi kako ki'di didi ma laka zinni.

²⁰ Timatiyo, mëdi miya zïyi, ongo go wa naga nime Boko'ba ki'di yi 'deni mbiri dɔmo ne laka. Onye röyi kowɔ yaga di ro lende yawa ti kowasa mo naga nima bo 'bölu ni kidëki ro akikali ne.

²¹ Ya mɔto ga iya te, lijë ëdi 'deni ti akikali nima. Go kö'du mo na lijë koco 'deni yaga di mi kori 'ba Yësu Kurisito.

Lende këyi 'ba Boko'ba koloma tiye pili.

Jur Mödö
Jur Modo: Ndose Kodo Laka, Buku 'ba Tisaki ni Todo
to Lömu La'ja 'Ba Yösu Kurisito Nere Ze New
Testament+

copyright © 1998 Wycliffe Bible Translators, Inc.

Language: Jur Mödö

Contributor: Wycliffe Bible Translators, Inc.

All rights reserved.

2025-04-26

PDF generated using Haiola and XeLaTeX on 25 Apr 2025 from source
files dated 26 Apr 2025

4cdbc69b-5207-55d8-8df2-e743cba8dc07